

同安縣志

卷十六警察 卷十七武備 卷十八實業 卷十九
交通 卷二十刑法 卷廿一外交 卷廿二禮俗
卷廿三惠政 卷廿四祠祀

同安縣志卷之十六

警察

警察以保市區之治安也考成周設司隸一官關吏又有譏察非常之舉卽警察所自昉也外國警察有大執行之權嗣後範圍漸小僅以保衛市衢爲職務清末仿行外政各市場均須設立而限於經費不多規模狹小以視外人之整理警務瞠乎後已邑之警務尤爲幼稚既改設警備隊站崗之例遂完全廢弛然隨時地爲變通亦舉行新政之要務耳志警察

光緒三十三年法部會奏詳訂檢察廳調度司法警察

宣統元年飭各廳州縣設巡警教練所限十月一律辦齊

二年頒發各地方司法警察章程

司法警察職務分左列各項人員 一區長 二區員 三警務長 四巡官

五巡長 六巡警

省派湖北巡警學堂畢業生駐同 分西驛銅魚館各區站崗位

民國二年奉令改設警備隊 計隊長一人 警備隊五十人

設梭巡制度

駐所 在縣署二門鼓樓頂

按清末邑有警政之設雖曰有名無實然以稽察形迹可疑之徒及排解匪
小忿俾蚩蚩之民不敢滋事於地方治安亦資裨益自改用警備隊後查察匪
類之條全行廢止僅奉地方官差遣傳案拘擄甚至民刑訴訟一奉傳票動輒
苛勒票費與舊時原差毫無稍異官僚辦事異樣荒唐以泰西詰奸禁暴之美
政吾邑一經仿行便弊端百出古云有治法無治人諒哉

同安縣志卷之十七

武備

兵可百年而不用不可一日而不備此謀國之要道也同邑瀕海明清鼎革之間本爲用武要地自臺灣歸入版圖武備益重一邑而置兩帥府足見當時資專闔以爲干城之寄謀國者備見擘畫周詳矣雖然國家多故不能不有事於兵戎而無文德以撫綏之嗟我百姓曷知死所近歲武閭擅權其大彰明較著也考之各國兵制以對外而非以對內所謂兵以庇民非以虐民也我國反是但知擴張軍備而民間之疾苦毫不過問甚且蹂躪之踐踏之剝奪而痛苦之則由國家未收劃一整齊之效故軍權漫無統紀耳竊嘗考司馬法曰天下雖平忘戰必危況值各國整軍經武又丁我國多事之秋教練士卒養兵衛民嚴訂紀律戒汰冗濫以蘇民困尤望當事者加之意耳志武備

漢駐將軍許潑於許內巷

許順之族譜

唐總章二年歸德將軍陳政出鎮綏安奏置行臺於漳泉郡之四境

唐書

宋熙寧初年置小兜巡檢寨專管晉南惠同沿海地

府志

紹聖 年邑置弓手營額

管七十五名

元至元十九年調揚州合必軍三千人鎮泉州戍列城 置嘉禾千戶戍

明洪武元年城廈門爲中左所城金門爲金門所城高浦爲高浦所別爲守禦千戶

二十一年遣江夏侯周德興於大擔南太武山外建浯嶼置水寨景泰三年移厚

門中左所水寨兵 江夏侯周德興刺福興泉漳四郡民爲兵以五千六百名爲

衛一千一百二十人爲所置沿海軍衛衛所二十五年互調其軍於諸衛

閩書隆慶府志

所衛兵

嘉靖四十二年各水寨指揮照都指揮行事名爲欽伊把總各衛歲輪指揮一員

領衛所兵聽節制

隆慶四年增設浯銅水寨游兵把總一員兵五百三十六名駐中左所衛所貼駕

車三百名各島等船二十二隻泉南游擊統轄浯嶼寨軍浯銅游兵三千人以備

紅夷 明初官澳巡檢司舊設弓兵額一百名萬歷時存三十二名峯上巡檢司

舊設弓兵額一百名萬歷時存三十八名烈嶼巡檢司舊設弓兵額一百名萬歷

時存一十九名亭溪巡檢司正統元年添設弓兵額三十名後改設白礁萬歷時

存一十四名

隆慶府志
巡檢弓兵

嘉靖三十七年都御史王詢行令添設民兵專備城守

泉州共八百四十六名與機兵一體團練邑機兵隆慶時二百五十四名鄉兵二

百五十名

民兵分機兵
鄉兵二種

按郡國利病書云明初永泉二衛有歸附軍有投充軍有謫發軍有改調軍定制支糧八斗爲差操正軍加行糧四斗爲出海備倭軍六斗爲隻身紀錄軍二斗爲老弱存恤軍後又分三分守城七分屯糧種糧出於所種田而以餘糧輸官爲不支屯糧軍太平日久軍政不修屯軍失額操復缺伍於是抽選於軍伍以備團練謂之餘丁軍招集於市井謂之募兵動調於各省謂之客兵調之湖廣等處謂之狼家兵又增添於舊制之外爲一鄉防守謂之民兵亦曰鄉兵機兵水寨本皆本地兵原無客兵名目嘉靖間改參將游擊始帶領各處客兵

清順治

年置副將

職官屢有裁
設附列於後

康熙元年設水師提督及提標官又設右路水師總兵官二年改設總兵官

五年仍改副將七年海澄公請將同安城守營副一員兵一千名悉歸經制從

之裁水師提督及提標等官八年設水師總兵官及鎮標官改右路水師總兵

官爲興化總兵官 十二年裁浯嶼營游擊守備各一人 十六年以海澄公管水師提督事務 十七年裁水師總兵官及鎮標官爲漳州鎮又設水師提督提標分中左右前後五營中營設參將以下等官左右前後四營設右擊以下等官 十九年以總兵官鎮守廈門 二十三年裁廈門總兵官並中左右三營等官爲南澳鎮又裁海澄水師副將並三營等官 移水師提督駐劄廈門 三十四年裁提標中營參將改設副將 三十九年復設中營參將裁副將 四十六年裁參將仍設副將 五十二年裁副將又設中營參將 五十八年以提標中營守備分防駐浯嶼

雍正五年增設提標五營各千總二人把總四人 八年增設守備一員 十一年改守備爲都司分駐灌口復設水師提營後營千總一人

乾隆十八年增設浯嶼把總一人 二十年撥水師提標後營外委一人駐柏頭村 四十七年通省增設額額外委四十七人

道光十二年裁水陸各營

同治五年改建金門鎮總兵官爲副將添設中軍都司一移鎮標右營游擊守備

駐湄洲隸水師提督裁左營游擊守備各缺 十一月移福建水師後營游擊駐馬巷鎰五店撥千把總各一外委額外各二戰守兵二千四十名 六年裁同安縣都司一缺移廈門提標前營官兵駐銜口裁金門總兵官暨左營游守 十二年五月廈門口建新礮臺安放巨炮

光緒二十八年裁減兵額 三十年練新軍裁同安營

同安營 原屬興化管轄康熙三十年改歸漳州鎮管轄

額設官員參將一員 駐縣城 都司一員 駐灌口 守備一員 駐縣城 千總二員 駐防灌口 把總

四員 分防店頭新墟下店大路尾諸訊 額設兵數八百六十一名內馬戰兵六十六名步戰兵三百

六十四名守兵四百三十一名 屢經增減照錄舊志

守備轄下分防地方

店頭汎把總一員本汎安兵四十一名坐馬二匹戰馬一疋 嶺頭汎安兵五名

海埭汎安兵五名 新墟汎安兵四十一名戰馬一疋 原設把總分駐迨乾隆四十七年奉文改駐外委

沙溪汎安兵六名戰馬一匹 下尾店汎安兵五名 店頭塘安兵五名 沈井塘

安兵五名 洪塘安兵五名 岳口塘安兵五名 以上皆店頭汎兼轄 馬家巷汎千總一員

同安縣志 卷之十
乾隆四十七年移駐本汛安兵九十五名坐馬二匹戰馬一匹 萬家村汛安兵十七名

乾隆四十七年添設 駐防灌口汛都司一員把總一員兵二百名內分守六處坐馬六匹戰馬一十六匹 赤嶺頭汛安兵六名 茂林寨汛安兵一十五名戰馬一匹

沈宅汛安兵十名 角尾汛安兵八名戰馬一匹 魚孚塘安兵五名 深青塘安

兵五名 蓮花塘安兵五名

都司轄下分防地方

下店汛把總一員本汛安兵五十名坐馬二匹戰馬一匹 埭頭汛安兵一十八名

宋家圍汛安兵一十名 烏泥汛安兵七名 新塘汛安兵五名 豪山埔汛安

兵五名 苧溪汛安兵五名 安民汛安兵五名

以上下店汛兼轄

大路尾汛把總一員本

汛安兵五十五名坐馬二匹戰馬一匹 半嶺汛安兵十名戰馬一匹 審頭汛安

兵十名

以上大路尾汛兼轄

演武場在朝元門內今廢 軍器局一所在守備署內左畔今廢 火藥局一所在

守備署邊五蘆山今廢 各塘墩臺共一百四座今廢

水師

水師提標成立於康熙十八年統轄福建泉省水師軍務駐劄廈門節制金門海壇南澳三鎮兼臺灣澎湖領水師提標中左右前後五營中軍參將一員游擊四員守備五人千總十人把總二十人外委三十人額外外委二十人一年親巡南洋金門銅山南澳等處一年巡北洋海壇閩安三沙烽火門等處二年而徧巡閩臺灣隔二年一次與將軍總督巡撫陸路提督分年輪巡

附金門營制沿革

原設援剿右鎮總兵官康熙十九年改爲金門鎮總兵官標下中左右三營兼轄銅山楓嶺雲霄詔安海澄五營後將銅山楓嶺二營改歸福寧鎮管轄雲霄詔安海澄三營改歸漳州鎮管轄本鎮只領標下三營康熙二十七年裁去中營嗣又兼轄閩安銅山嘉慶間閩安改歸海壇鎮銅山改歸南澳鎮仍專轄左右二營

會典
營冊

同治六年左宗棠奏請裁兵加餉新定水陸營制移金門右營官兵駐湄洲移廈門提標前營官兵駐銓口所有金門前轄水汛酌量撥入提標湄洲兼轄并將金門總兵暨左營游守裁汰改設副將都司二員其千總以下亦裁去大半

按清至道咸以後武備廢弛類皆虛兵實餉廣西洪秀全略一嘯聚爲亂而痛深

同治縣志 卷之十一
創鉅已達十四行省以吾邑論道光二十二年英夷鴉片之役不待開仗而長驅直入遂佔鼓浪嶼同治間小刀會匪小醜耳一舉事而漳泉疲於奔命當時曾國藩胡林翼之募勇營以平髮見綠營及各處駐防之兵之不可用也甲午東日啟衅一戰敗衄始悟勇營亦漸窳廢兵事日益困難加以各國火器日精槍礮猛烈操法彌精營制愈密而裁汰舊營訓練新兵之議起矣夫以近世器械之良卽我國之老於戎機者亦將束手無策清末奕劻奏裁併綠營改訂官缺誠屬有見本邑參將守備之裁撤正其時也夫裁浮費以訓練新兵以軍事爲專門之學營制督募日臻完備總其大要在本戰法以立操規又本操規以定營制而已立軍制略除海軍外統稱陸軍通國一貫脈絡相聯蓋以兵爲國家之兵非一人所能私一隅所能限故將帥不得擅立主名軍隊亦不得自爲風氣章制操法統歸一律遇有徵調無論何處兵隊均可編配成軍協力攻守無論何軍將領均可統率節制如法指揮而各府各州各縣駐防之兵概行裁廢營制實較完善此清末汰舊軍練新軍之大略也

民國軍隊隨時徵調設防無定額

同安縣志卷之十八

實業

世界愈進化則物品之構造亦愈精而愈宏而實業卽從此昉焉曠覽環球各國若織造廠機器廠之設星羅碁布緯麗奇詭足蔚巨觀我國通商大埠近屢倣製然必謂能起而與泰西埒竊恐遜謝未能至如吾邑之僻處偏隅則尤瞠乎後已究之邑人士僑居海外美雨歐風涵濡有素國體變更而後僑民多欲滙資以整理祖國使政府能廣招徠實力而保護之則同邑雖僻處海疆以之振興實業指顧間耳獨奈何權利之爭無時或息華僑回國撈勒時聞甚且室廬疆畝一經兵燹禾黍爲墟哀我百姓轉徙流離舉眼河山卒不免有荊棘銅駝之歎遑論實業耶要之下泉思王匪風思霸世道雖愈趨愈下而導揚盛美之念愈不可忘不得已僅舉其類似者詳載之以著於篇後之人其知所先務哉

糖廠 法用兩大圓石相附俗名車粒於礪心立一曲木作車彎縛輓駕牛三頭使周圍旋轉以引動車粒令一人取山蔗投車粒中間搾出汁漿煮以成糖有白糖赤糖黑糖三種其冰糖須用白糖再行煮造 一歸得里湖田保一廠 二林塘

保林窑社一廠走馬壠社一廠 三下庄保後溪社一廠虎井社一廠 四營邊社上甲一廠下甲一廠 五嶺亭保下魏社一廠 大嶺溪一廠 六水閣內一廠 褒美一廠 三鄉一廠

燒磁窑 在歸得里坑仔口社清嘉慶二十五年洪天香創設製造大缸硿硿烘爐磁鍋各種銷售本地漳碼臺灣金廈呂宋各處器雖粗而價極廉且盛水可耐久而不反質是以銷售暢旺近因各國入口貨抽取重稅以致難於行銷然內地陶器得以無缺民間稱便惜乎粗而不精不求進步猶爲憾事耳

甕窑 在在坊里陽翟鄉後甕窑社窑爲蔡姓所創設每年出缸鉢磁鍋甚多銷售如上

炭窑 芸造溪田峯兩保有五峯聳出縱橫二三十里 於林木可作燒炭材料如石水社溪東社雲林社汀溪鄉有炭窑幾十所每窑燒一次能出炭二千餘斤邑所需炭皆仰給焉

以上陳禮儀探

其灰窑油車蠓區蚶區各處多有不及備載

漁業 同廈漁業之調查

魚類第一 漁港第二 漁船第三 漁具第四 漁法第五

銷售第六 經濟第七

魚類一

沿海多有而重要魚類金廈爲多列表如左

魚名	體式	體長	漁場	漁期
----	----	----	----	----

嘉臘魚	赤	四呎	金門外海	九月一二月
-----	---	----	------	-------

紅花魚	黃	四呎餘	全上	七——一
-----	---	-----	----	------

白帶魚	銀白	八呎餘	金門外海至銅山	一二——四
-----	----	-----	---------	-------

鰕魚		一呎三寸	金門外海至臺灣	三——一
----	--	------	---------	------

烏鰂魚	青灰	二呎	全上	三——八
-----	----	----	----	------

沙魚	背淺灰 腹白	十七呎餘	全上	三——五
----	---------------------------	------	----	------

鰻魚		二呎餘	金廈近海至銅山	五——九
----	--	-----	---------	------

此外尚有魴魚 鱠魚 臘魚 烏賊 狗母魚 馬鮫魚 小沙魚 海鰻

血鰻 扁魚 鰕魚 巴籠魚 拖西 章魚 成魚 鱖魚 黃射仔 鰻魚

紅目鱸 加目 烏葱 疥 加北 黑魚 竹甲 打鐵哥 水潛土名王

成 索仔 鱸魚 海溪姑 跳魚 紅蝦 蟳蟹 花脚蟹 蝶螺 長辛螺

釘螺 角螺 蚶 蟻等

其淡水產者尚有 溪鯧 鯉魚 鮑魚 鰻魚 鱸魚 鱧魚 銀鯢魚 鱔

魚 白魚 黑魚 山鱖 泥薩 草魚等

漁港二 各有分港以廈門港爲最該處可容漁船一百二十隻碇泊

漁船三 漁船俗稱釣艚其制度說明如左

船材 杉木

寸法 長五丈至六丈闊約二丈深三尺至六尺

帆裝 中帆 前帆 尾帆各一均橫帆三角帆一

船員 舵工一人副一人漁夫十四人至十六人婦女三四人

造船費 長五丈者需三千一百二十員長六丈者需四千一百二十員船具需五

百員漁具在外

船齡 約十年初造四年後每年須修理一次

竹排 春冬二季每船備竹排四隻至六隻舢板一隻夏季備竹排十二隻

漁具四 釣槽所用之漁具大率爲釣具網具僅烏鯧網一種分舉如左

(甲)烏鯧網 麻線結成捕烏鯧魚前部如箕後部如囊長十八尋

(乙)春季延繩釣 夏季延繩釣 冬季延繩釣 大沙延繩釣 以上釣線均用苧線所用之餌如左

釣白魚餌料用白魚 釣嘉臘魚餌料用烏賊鱉魚烏仔魚江魚等

釣鮆魚餌料用鰾魚及鮆魚 釣大沙魚餌料任何魚皆可

釣鰾魚餌料用鰾魚

漁法五

(甲)人之支配 每三人司一竹排舢板亦然春季二人司櫓一人司漁具冬季一人司櫓一人司漁具一人司餌然風大或流急時舢板常增至五六月竹排則使用較少夏季風浪恬靜每竹排僅一人而已

(乙)釣具之使用 有風時在本船投繩用竹排起出微風時以舢板投繩用舢板及竹排起出夏季則全在竹排上作業

